

20151544456

L I G J

PËR NDRYSHIMIN DHE PLOTËSIMIN E LIGJIT PËR NËPUNËS ADMINISTRATIVË

Neni 1

Në Ligjin për nëpunës administrativë ("Gazeta Zyrtare e Republikës së Maqedonisë" numër 27/14, 199/14 dhe 48/15), në nenin 19 pas paragrafit (17) shtohen dy paragrafë të rinj (18) dhe (19) si vijojnë:

"(18) Për të gjitha çështjet në lidhje me marrëdhënien e punës për të cilat me ligj nuk është përcaktuar e drejta e ankesës, nëpunësi administrativ ka të drejtë të parashtojë kundërshtim te Agjencia në afat prej tetë ditësh.

(19) Dispozitat e këtij ligji që kanë të bëjnë me afatin dhe procedurën për zgjidhjen e ankesës në mënyrë përkatëse zbatohen për kundërshtim."

Neni 2

Pas nenit 19 shtohet nen i ri 19-a si vijon:

Neni 19-a

"(1) Drejtori i Agjencisë formon Komision për Revizion të procedurës për selektim të nëpunësve administrativë (në tekstin e mëtejshëm: Komisioni për Revizion), i përbërë nga kryetari dhe zëvendësi i tij të emëruar nga ministri i Shoqërisë Informatike dhe Administratës, një anëtar dhe zëvendësi i tij nga radha e të punësuarve në Agjenci dhe një anëtar dhe zëvendësi i tij nga opinioni shkencor dhe profesional.

(2) Komisioni për Revizion në afat prej 15 ditësh nga kalimi i tremujorit kryen revizion në së paku njëzet procedurave për selektim me zgjedhje të rastësishme që janë zbatuar në atë tremujor, e nëse përcakton mangësi detyrohet menjëherë të dorëzojë raport për mangësitë te drejtori i Agjencisë, te Inspektorati Shtetëror i Administratës dhe te institucioni që punëson.

(3) Anëtarët e Komisionit për Revizion nuk mund të marrin pjesë në procedurat për selektim.

(4) Komisioni për Revizion ka mandat prej katër vitesh, me të drejtë edhe të një emërimi.

(5) Mangësitë në procedurën për selektim janë bazë për anulimin e shpalljes për punësim të nëpunësit administrativ.

(6) Aktvendimin për anulim të shpalljes me iniciativë personale apo me urdhër të Inspektoratit Shtetëror të Administratës e miraton personi udhëheqës i institucionit që punëson.

(7) Anëtarëve të Komisionit për Revizion për çdo revizion të zbatuar të procedurës për selektim u takon kompensim me para, në shumë se një e treta e neto rrogës mesatare në Republikën e Maqedonisë, për të cilën Agjencia miraton aktvendim.

Neni 3

Në nenin 38 pas paragrafit (1), shtohet paragraf i ri (2) si vijon:

"(2) Të gjitha fazat e procedurës për selektim i zbaton Komisioni për Selektim që detyrohet të kujdeset për ligjshmërinë e procedurës.

Neni 4

Në nenin 41 paragrafi (5) ndryshohet si vijon:

"Kandidatit i cili gjatë dhënies së provimit vepron në kundërshtim me paragrafin (3) të këtij neni, Komisioni për Selektim që e zbaton dhe ndjek dhënien e provimit nuk do t'i lejojë dhënie të mëtejshme të provimit dhe i shqipton ndalim për dhënie të provimit për nëpunësin administrativ në kohëzgjatje prej tre muajsh, për çka Agjencia miraton aktvendim kundër të cilit mund të ngrihet kontest administrativ para gjykatës kompetente në afat prej 30 ditësh nga dita e pranimit të aktvendimit."

Pas paragrafit (15) shtohen katër paragrafë të rinj (16), (17), (18) dhe (19) si vijojnë:

"(16) Agjencia detyrohet ta bllokojë shtrirjen radio frekuentuese në hapësirën për dhënien e provimit gjatë kohës së zbatimit të provimit.

(17) Agjencia për Komunikime Elektronike (në tekstin e mëtejshëm AKE) kryen mbikëqyrje të përhershme të bllokimit të shtrirjes radio frekuentuese në hapësirën për dhënie të provimit, me qëllim të parandalohet çdo lloj i komunikimit elektronik me rrethinën jashtë hapësirës për dhënie të provimit.

(18) AKE-ja në hapësirën për dhënie të provimit instalon pajisje matëse që siguron shkresë elektronike nga matjet e kryera në kohëzgjatje prej 30 ditësh, dhe këto depozitohen në sistemin kontrollues qendror të AKE-së.

(19) AKE-ja formon komision prej tre anëtarëve që harton raport në bazë të shkresave elektronike të depozituara në sistemin kontrollues qendror të AKE-së dhe këtë e dorëzon te Agjencia më së voni në afat prej 15 ditësh nga përfundimi i sesionit të provimit."

Neni 5

Në nenin 101 në paragrafin (1), pas alinesë 3 shtohet aline e re 4, si vijon:

"- nuk miraton aktvendim për shqiptim të ndalimit për dhënie të provimit për nëpunësin administrativ në kohëzgjatje prej tre vitesh, në kundërshtim me nenin 41 paragrafi (5) i këtij ligji."

Në fund të alinesë 4 lidhëza "dhe" zëvendësohet me presje, në alinenë 5 pika zëvendësohet me lidhëzën "dhe" dhe shtohet aline e re 6 si vijon:

"- nuk e bllokon shtrirjen radio frekuentuese në hapësirën për dhënie të provimit në kundërshtim me nenin 41 paragrafi (16) të këtij ligji."

Pas paragrafit (3) shtohen tre paragrafë të rinj (4), (5) dhe (6) si vijojnë:

"(4) Gjobë në shumë prej 2000 deri më 3000 euro në kundërvlerë me denarë do t'u shqiptohet anëtarëve të Komisionit për Selektim nëse kandidatit i lejojnë dhënie të mëtejshme të provimit në kundërshtim me nenin 41 paragrafi (5) të këtij ligji.

(5) Gjobë në shumë prej 100 deri më 200 euro në kundërvlerë me denarë do t'i shqiptohet kandidatit që shfrytëzon literaturë, ligje, telefon celular, pajisje portative kompjuterike dhe mjete tjera teknike dhe informatike dhe kontakton me kandidatët tjerë apo personat e Agjencisë përveç me informatikanin të punësuar në Agjenci, nëse ka problem teknik me kompjuterin në të cilin e ka dhënë provimin, përkatësisht testin në kundërshtim me nenin 41 paragrafi (3) të këtij ligji.

(6) Gjobë në shumë prej 2000 deri më 3000 euro në kundërvlerë me denarë do t'u shqiptohet anëtarëve të Komisionit për Revizion nëse në afat prej 15 ditësh nga kalimi i tremujorit nuk e kryejnë revizionin, apo nëse për mangësitë e përcaktuara nuk dorëzojnë raport te drejtori i Agjencisë, te Inspektorati Shtetëror i Administratës dhe te institucioni që punëson në kundërshtim me nenin 19-a paragrafi (2) të këtij ligji."

Neni 6

Neni 102 ndryshohet si vijon:

"Për kundërvajtjet nga neni 101 të këtij ligji, inspektori detyrohet kryerësit të kundërvajtjes t'i shqiptojë urdhërpagesë të kundërvajtjes në pajtim me Ligjin për kundërvajtje para se të parashtrijë kërkesë për ngritje të procedurës së kundërvajtjes para gjykatës kompetente."

Neni 7

Pas nenit 102 shtohen dy nene të reja 102-a dhe 102-b si vijojnë:

"Neni 102-a

(1) Inspektori detyrohet të mbajë evidencë për urdhërpagesat e kundërvajtjes të lëshuara dhe për rezultatin e procedurave të ngritura.

(2) Në evidencën nga paragrafi (1) i këtij neni mblidhen, përpunohen dhe ruhen të dhënat në vijim: emri dhe mbiemri, përkatësisht emërtimi i kryerësit të kundërvajtjes, vendbanimi, përkatësisht vendqëndrimi, selia, lloji i kundërvajtjes, numri i urdhërpagesës së kundërvajtjes dhe rezultati i procedurës.

(3) Të dhënat personale nga paragrafi (2) i këtij neni ruhen pesë vjet nga dita e futjes në evidencë.

Neni 102-b

Formën dhe përmbajtjen e urdhërpagesës së kundërvajtjes i përcakton ministri i Shoqërisë Informative dhe Administratës."

Neni 8

Akti nënligjor i paraparë me këtë ligj do të miratohet në afat prej 30 ditësh nga dita e hyrjes në fuqi të këtij ligji.

Neni 9

Ky ligj hyn në fuqi në ditën e botimit në "Gazetën Zyrtare të Republikës së Maqedonisë".